

ოზურგეთის მუნიციპალიტეტის საკრებულოს წევრის- საკრებულოს
განათლების, კულტურის, სპორტის, ახალგაზრდულ საქმეთა, ჯანმრთელობის
დაცვისა და სოციალურ საკითხთა კომისიის თავმჯდომარის ლელა საჯაიას

ა ნ გ ა რ ი შ ი

2019 წლის იანვრიდან 2019 წლის 31 დეკემბრამდე განხორციელებული
საქმიანობის შესახებ

საანგარიშო პერიოდში ვხელმძღვანელობდი საქართველოს კანონით
„ადგილობრივი თვითმმართველობის შესახებ და ოზურგეთის
მუნიციპალიტეტის საკრებულოს რეგლამენტი და სხვა შესაბამისი
ნორმატიული აქტებით.

ვფიქრობ, რომ აქტიურად ვმონაწილეობ საკრებულოს მუშაობაში,
რომელმაც ერთ-ერთმა პირველმა ქვეყნის მასშტაბით, თავის საქმიანობაში
დანერგა სიახლეები მოქალაქეთა ჩართულობის გააქტიურების მიზნით.

ოზურგეთის მუნიციპალიტეტმა, საკრებულომ განსაკუთრებით სრული
მზადყოფნა გამოხატა ყველა იმ ნოვაციისათვის, რაც მის ღიაობას და
ანგარიშვალდებულებას გაზრდიდა. აღვნიშნავ, რომ ყოველივე ეს ჩემი, როგორც
საკრებულოს წევრის მუშაობას განსაკუთრებულად საინტერესოს ხდის.

ერთიორად საინტერესოა საკრებულოს განათლების, კულტურის, სპორტის,
ახალგაზრდულ საქმეთა, ჯანმრთელობის დაცვისა და სოციალურ საკითხთა
კომისიის თავმჯდომარეობა.

განათლების , კულტურის, სპორტის, ახალგაზრდულ საქმეთა,
ჯანმრთელობისა და სოციალურ საკითხთა კომისია წარმოადგენს საკრებულოს
მუდმივმოქმედ ორგანოს, რომელიც უზრუნველყოფს „ადგილობრივი
თვითმმართველობის შესახებ“ საქართველოს ორგანული კანონით, საკრებულოს
დებულებით და კომისიის დებულებით განსაზღვრულ უფლებამოსილებათა
განხორციელებას.

კომისია შექმნილია დებულებით დადგენილი საკითხების საკრებულოში
წინასწარი მომზადების, გადაწყვეტილებათა შესრულებისათვის ხელის შეწყობის,
ადგილობრივი თვითმმართველობის აღმასრულებელი ორგანოს , გამგეობის
სტრუქტურული ერთეულების, აგრეთვე მუნიციპალიტეტის მიერ დაფუძნებული
იურიდიული პირების კონტროლის მიზნით.

კომისიის შემადგენლობა განსაზღვრულია 16 წევრით.

კომისია მუშაობს ოზურგეთის მუნიციპალიტეტის საკრებულოს განათლების, კულტურის, სპორტის, ახალგაზრდულ საქმეთა, ჯანდაცვისა და სოციალურ საკითხთა კომისიის დებულებით.

2019 წლის სამუშაო გეგმის ძირითად მიმართულებებად განსაზღვრული გვექონდა:

- მოქალაქეთა პერიოდული მიღება;
- მოქალაქეთა ჯგუფებთან შეხვედრები (საერთო კრებები);
- მოქალაქეთა ჩართვა კომისიის სხდომის მუშაობაში;
- კომისიაში შემოსული წერილების, განცხადებებისა და პროექტების განხილვა;
- მოსახლეობის ინტერესების შესწავლა კომისიის უფლებამოსილების სფეროს მიკუთვნებულ საკითხებზე;
- პარტნიორული, სისტემატური კავშირის ჩამოყალიბება ოზურგეთის მუნიციპალიტეტის საკრებულოს განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალურ საკითხთა კომისიასა და მუნიციპალიტეტის გამგეობის შესაბამის სამსახურებსა და ა(ა) იპ-ებს შორის;
- კომისიის სხდომის მომზადება და ჩატარება;
- კომისიის ანგარიშის მომზადება და წარდგენა ბიუროსა და საკრებულოს სხდომებზე;
- ოზურგეთის მუნიციპალიტეტში განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალურ სფეროში არსებული პრობლემების გამოვლენა და მათი სისტემიზაცია;
- ოზურგეთის მუნიციპალიტეტში განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალურ სფეროში არსებული პრობლემების ურთიერთკავშირის დადგენა და ძირითადი , პრიორიტეტული საკითხების განსაზღვრა;
- ოზურგეთის მუნიციპალიტეტში განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალურ სფეროში პრიორიტეტული პრობლემების გადაწყვეტის ალტერნატიული გზების შეფასება და ოპტიმალური ვარიანტის შერჩევა;

კომისიასთან შეიქმნა სამი სამუშაო ჯგუფი: ა) განათლებისა და ჯანმრთელობის დაცვის საკითხთა-ბ) სოციალური უზრუნველყოფის და დასაქმების საკითხთა გ) სპორტის , ახალგაზრდულ საქმეთა და ტურიზმის საკითხთა

კომისიის სხდომები ტარდება რეგულარულად და ორგანიზებულად. განხილული საკითხები პასუხობს დებულების მოთხოვნებს. სხდომებზე მიღებული გადაწყვეტილებები წარედგინა საკრებულოს ბიუროს. აქედან რამდენიმე საკითხი განხილულ იქნა საკრებულოში, რომელმაც ასახვა ჰპოვა შესაბამის დადგენილებებში;

კომისიამ გეგმის შესაბამისად განიხილა:

1. დროებითი სამუშაო ჯგუფების შექმნა. ჯგუფის ხელმძღვანელების არჩევა. კომისიის წევრთა შორის ფუნქციების განაწილება.
2. განახორციელა შეხვედრა არასამთავრობო ორგანიზაციებისა და მასმედიის წარმომადგენლებთან კომისიის დებულებაში ცვლილებების შესახებ, მიიღო და გაითვალისწინა რეკომენდაციები;

3. შეისწავლა ოზურგეთის მუნიციპალიტეტის ბიუჯეტიდან სოციალური დახმარების გაცემისა და მიღების არსებული წესი.
4. განიხილა ოზურგეთის მუნიციპალიტეტის გამგეობის შრომის, ჯანმრთელობისა და სოციალური დაცვის, ლტოლვილთა და იძულებით გადაადგილებულ პირთა სამსახურის უფროსის ანგარიში 2019 წელს გაწეული მუშაობის შესახებ.
5. ცვლილებების შესატანად შეისწავლა და განიხილა ოზურგეთის მუნიციპალიტეტის გამგეობის კულტურის, სპორტისა და ტურიზმის განვითარების სამსახურის დებულება .
6. შეისწავლა და განიხილა ოზურგეთის მუნიციპალიტეტის გამგეობის განათლების, ახალგაზრდობის საქმეთა და სოციალური დაცვის სამსახურის დებულება.
7. შეიმუშავა და საკრებულოს ბიუროს დასამტკიცებლად წარუდგინა ოზურგეთის მუნიციპალიტეტის საკრებულოს განათლების, კულტურის, სპორტის, ახალგაზრდულ საქმეთა, ჯანდაცვისა და სოციალურ საკითხთა კომისიის კომისიის გეგმა.
8. ა(ა) იპ ,, ოზურგეთის მუნიციპალიტეტის სკოლამდელი აღზრდის ცენტრის წარმომადგენლებთან ერთად განიხილა მუნიციპალიტეტის საბავშვო ბაღების მდგომარეობა.
9. შეისწავლა ოზურგეთის მუნიციპალიტეტში არსებული ბაღების დემოგრაფიული მონაცემები.
10. დაგეგმა და მონაწილეობის ორგანიზება უზრუნველყო სასწავლო წლის დაწყებასთან დაკავშირებული ღონისძიებები მუნიციპალიტეტის საბავშვო ბაღებში ა(ა)ი.პ ,,ოზურგეთის მუნიციპალიტეტის სკოლამდელი აღზრდის ცენტრი“-ს წარმომადგენლებთან ერთად.
11. მოისმინა ა(ა)ი.პ ,,ოზურგეთის მუნიციპალიტეტის სკოლამდელი აღზრდის ცენტრი“-ს დირექტორის მ. ჭყონიას ანგარიში ახალი სასწავლო წლის დაწყებასთან დაკავშირებით.
12. სკოლამდელი განათლების განვითარების ხელშეწყობის მიზნით ოზურგეთის მუნიციპალიტეტში არსებულ ბაღებში ჩაატარა კვლევა.
13. მერიის კულტურის სამსახურთან ერთად. განახორციელა პროგრამის ანალიზი, წარმოადგინა შენიშვნები, სამსახურს მისცა რეკომენდაციები აღნიშნულ საკითხთან დაკავშირებით.
14. განიხილა კურორტ „გომისმთაზე“ ჩასატარებელი ღონისძიების პროგრამა. განახორციელა პროგრამის ანალიზი, წარმოადგინა შენიშვნები, სამსახურს მისცა რეკომენდაციები აღნიშნულ საკითხთან დაკავშირებით.
15. განიხილა და დაამტკიცა ოზურგეთის მუნიციპალიტეტის გამგეობის კულტურული ღონისძიებების პროგრამა.
16. განიხილა ა(ა)ი.პ. ოზურგეთის მუნიციპალიტეტის დაბა ურეკის კულტურის ცენტრის სტრატეგიული გეგმა.
17. მუნიციპალიტეტში ტურიზმის განვითარების სტრატეგია შეიმუშავა კულტურის სამსახურთან ერთად.
18. მოისმინა გამგეობის შრომის, საზოგადოებრივი ჯანმრთელობისა და სოციალური დაცვის, ვეტერანთა, ლტოლვილთა და იძულებით გადაადგილებულ პირთა სამსახურის უფროსის ანგარიში სამსახურის მიერ გაწეული მუშაობის შესახებ. განახორციელა ანგარიშის ანალიზი,

წარმოადგინა შენიშვნები, სამსახურს მისცა რეკომენდაციები განხორციელებულ ღონისძიებებთან დაკავშირებით.

19. დაგეგმა და ჩაატარა ტრადიციული სახალხო დღესასწაული „ექვთიმეობა“ მუნიციპალიტეტის გამგეობის შესაბამის სამსახურებთან ერთად.
20. სპორტისა და ახალგაზრდულ საქმეთა განყოფილების თანამშრომლებთან ერთად შეისწავლა ახალგაზრდულ საქმიანობებში დაგეგმილი ღონისძიებები.
21. მოისმინა ოზურგეთის მუნიციპალიტეტის გამგეობის განათლების, ახალგაზრდობის საქმეთა და სოციალური დაცვის სამსახურის უფროსის ანგარიში.
22. მოისმინა, შეაფასა და შესაბამისი დასკვნით წარმოადგინა ა(ა)ი.პ. ოზურგეთის მუნიციპალიტეტის სკოლამდელი აღზრდის ცენტრის ანგარიში გაწეული საქმიანობის შესახებ.
23. მუნიციპალიტეტის გამგეობის შესაბამის სამსახურებთან ერთად განახორციელა საახალწლო საჩუქრების გადაცემა სოციალურად დაუცველ ოჯახებზე, ლტოლვილებზე, მრავალშვილიან ოჯახებზე, შეზღუდული შესაძლებლობების მქონე პირებზე და ას წელს გადაცილებულ მოქალაქეებზე.
24. კომისია სისტემატურად უზრუნველყოფდა შემოსული წერილების, განცხადებების და პროექტების განხილვას.

ოზურგეთის მუნიციპალიტეტის საკრებულოს მუდმივმოქმედმა კომისიებთან და ფრაქციებთან ერთად განვიხილეთ გამგეობის მიერ წარმოდგენილი „ოზურგეთის მუნიციპალიტეტის 2020 წლის ბიუჯეტის დამტკიცების შესახებ“ დადგენილების პროექტი. ეს პერიოდი ყველაზე აქტიური პერიოდი იყო კომისიის მუშაობის მანძილზე. არც ერთი საკითხი, რომლის განხილვა საკრებულოს განათლების, კულტურის სპორტის, ახალგაზრდულ საქმეთა, ჯანდაცვისა და სოციალურ საკითხთა კომისიას ეხებოდა არ დაგვიტოვებია განსაკუთრებული ყურადღების გარეშე. ჩვენ მოვიწვიეთ ყველა სამსახურის ხელმძღვანელი და მოვთხოვეთ განემარტა კომისიისათვის ყველა ის პროექტი, რომლის განხორციელებასაც ის მუნიციპალიტეტის თანხებით გეგმავდა. ვფიქრობთ, ჩვენმა ძალისხმევამ შედეგი გამოიღო და ბიუჯეტში მაქსიმალურადაა წარმოდგენილი ყველა ის საშუალება, რაც მუნიციპალიტეტს ამ ეტაპზე გააჩნია. პროექტის განხილვისას მომზადებული განმარტებები დასკვნის სახით წარედგინა საკრებულოს, რომელიც შემდეგ აისახა ბიუჯეტის პროექტის საბოლოო ვარიანტში.

კომისიაში შესაბამისი სფეროს სამსახურებიდან სისტემატურად შემოდიოდა ინიციატივები, წინადადებები, პროექტები. ასევე განხორციელებული სამუშაოს შესახებ ანგარიშები. მინდა ხაზგასმით აღვნიშნო მერიის კულტურის, განათლების, სპორტის, ტურიზმის, ძეგლთა დაცვის, ახალგაზრდულ საქმეთა, ასევე გამგეობის შრომის, ჯანმრთელობისა და სოციალური დაცვის სამსახურების, მათი უფროსების და სპეციალისტების მჭიდრო თანამშრომლობა კომისიასთან.

მოგეხსენებათ, საზოგადოებრივი ჯანმრთელობის დაცვის სფეროში თვითმმართველ ერთეულზე დელეგირებული უფლებამოსილებები განსაზღვრულია კანონით „საზოგადოებრივი ჯანმრთელობის დაცვის შესახებ“. მათგან განსაკუთრებით მნიშვნელოვანია უფლებამოსილება საზოგადოებრივი

მნიშვნელობის დაწესებულებებში , მათ შორის საგანმანათლებლო , სააღმწიფრდლო და საგანმანათლებლო-სააღმწიფრდლო დაწესებულებებში სანიტარული და ჰიგიენური ნორმების დაცვის ზედამხედველობის შესახებ. ამ უფლებამოსილებიდან გამომდინარე, პერიოდულად ვთანამშრომლობდით საზოგადოებრივი ჯანდაცვის ცენტრის სამსახურთან, ვეცნობოდით მათ სამუშაო გეგმებს, ვისმენდით ანგარიშებს, ვმსჯელობდით ამ სფეროში არსებულ პრობლემებზე და ვარჩევდით პრობლემის მოგვარების ალტერნატიულ გზებს.

სპორტის განვითარებისა და ახალგაზრდობის საკითხების მართვის სფეროში თვითმმართველი ერთეულის საქმიანობის მიზანია ახალგაზრდობის თვითრეალიზაციისათვის და მოსახლეობის ჯანსაღი ცხოვრებისათვის შესაბამისი გარემოს შექმნა.

„სპორტის შესახებ“ კანონის მეშვიდე მუხლი განსაზღვრავს თვითმმართველი ერთეულის უფლებამოსილებებს სპორტის სფეროში. ამ მუხლის თანახმად, „სპორტის სფეროს ადგილებზე მართავენ ადგილობრივი თვითმმართველობის ორგანოები , გარდა იმ საკითხებისა, რომელთა გადაწყვეტაც საქართველოს სპორტისა და ახალგაზრდობის საქმეთა სამინისტროს, საქართველოს ეროვნული ოლიმპიური კომიტეტისა და დაქართველოს ეროვნული სპორტული ფედერაციების კომპეტენციას განეკუთვნება.“ კანონის ეს დებულება თვითმმართველობას აძლევს სპორტის სფეროს მართვის საკმარად ვრცელ წრეს. მაგრამ, ვფიქრობ, რომ თვითმმართველობის ორგანოების საქმიანობა მიმართული უნდა იყოს მის მასობრიობაზე. ჩვენ უნდა შევქმნათ პირობები, რაც შეიძლება მეტი ადამიანი სარგებლობდეს სპორტულ-გამაჯანსაღებელი დაწესებულებების მომსახურებით, ჩაერთონ თვითმმართველობის ორგანოების მიერ ორგანიზებულ სპორტულ ღონისძიებებსა და შეჯიბრებში. ანუ აქცენტები გაკეთდეს არა სპორტულ მიღწევებზე(რაზეც ოლიმპიური კომიტეტი და სპორტული ფედერაციები უნდა ზრუნავდნენ), არამედ მასობრივ ხასიათზე. ამ მხრივ განსაკუთრებული ყურადღება უნდა მივაქციოთ სპორტულ სექციებსა და ღონისძიებებში ბავშვთა და ახალგაზრდობის მონაწილეობას.

მინდა აღვნიშნო, რომ კალენდარული გეგმით გათვალისწინებული თითქმის ყველა ღონისძიება ჩატარდა . პირადად, როგორც კომისიის თავმჯდომარემ მუნიციპალიტეტის გამგეობის სამსახურებთან ერთად მონაწილეობა მივიღე მათ დაგეგმვასა და ორგანიზებაში. ვესწრებოდი მუნიციპალიტეტის ტერიტორიაზე მოწყობილ კულტურულ , სოციალურ, მასობრივ, საგანმანათლებლო და სანახაობრივ ღონისძიებებს.


აქტიურად ვთანამშრომლობდით არასამთავრობო ორგანიზაციებთან, რომლებსაც აქვთ განსხვავებული ხედვები, დამოკიდებულებები, მიდგომები მთელი რიგი საკითხების მიმართ. ჩვენთვის საყურადღებოა მათი წინადადებები, რეკომენდაციები, რომელსაც დიდი ყურადღებით ვეცნობით და ვითვალისწინებთ კიდევ. მისასალმებელია მოსახლეობის, არასამთავრობო ორგანიზაციებისა და მასმედიის საშუალებების აქტიურობა. მიმაჩნია, რომ ასე უფრო მეტადაა შესაძლებელი ობიექტური და სამართლიანი გადაწყვეტილების მიღება. ამგვარი მიდგომით ჩვენმა კომისიამ შეინარჩუნა მასობრივი კომუნიკაცია საზოგადოებასთან. ჩვენს მიერ განხორციელებული ღონისძიებების შესახებ სისტემატურად ქვეყნდებოდა მუნიციპალიტეტის ვებ- გვერდზე ინფორმაციები, რომლითაც დაინტერესებულ პირებს საშუალება ეძლეოდათ ჩართულიყვნენ კომისიის საქმიანობაში ან თვალის ედევნებინათ ჩვენს კომპეტენციას

დაქვემდებარებული საკითხების განხილვისათვის. ოზურგეთის მუნიციპალიტეტის საკრებულოს განათლების , კულტურის, სპორტის, ახალგაზრდულ საქმეთა, ჯანდაცვისა და სოციალურ საკითხთა კომისია მაღალი პასუხისმგებლობით, აქტიურობით, გულისხმიერებითა და ეფექტური მიდგომებით განახორციელებს დაკისრებული ვალდებულებების შესრულებას.

ვფიქრობ, რომ გასული 2019 წელი იყო ნაყოფიერი და საინტერესო . განსაკუთრებით გამოვყოფდი იმ პროექტებსდა ღონისძიებებს, რომლებიც ჩვენი აქტიური ჩართულობით განხორციელდა.

ვიმედოვნებ, რომ ჩვენი უფლებამოსილების ვადაში გავაგრძელებთ ჩვენს მოქალაქეებთან აქტიურ კომუნიკაციას და მათი ინტერესების მაქსიმალურ დაცვას. ამის გარანტად უპირველესად მიმაჩნია მათდამი ჩვენი დამოკიდებულება, 2020 წლის ბიუჯეტის პროექტი და მუნიციპალიტეტის განვითარებისათვის სწორად დასახული პრიორიტეტები.

ლელა საჯაია



კომისიის თავმჯდომარე

განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალურ საკითხთა კომისია